

Die I.

NÀ cum OMNIBVS SANCTIS colitur
Sigeberga S. BENIGNVS Presbyter & Mar-
 tyr, qui sub *Aureliano Imperatore, equuleo,*
& laminis candentibus cruciatus est: quàm tormentorũ
vim more Spartano sustinēs Coronæ circumstanti,
Suspicite in Calum, inquebat, & Christi fidem, quam
tot præclari Martyres sunt professi, arripite; ac non
degeneres ab ijs perseverantes conservate: pro quã
& ego nunc libens mortem oppeto. ac sic ille se in
fidei odium cædi lætus, vitæ finem gloriosum in
causa nobili reperit. Eius potissimæ Reliquiæ Si-
geberga quiescunt. Canisij martyr. & Annal

Eadem luce ad Cliviæ confinia *Pago Keue-*
lar Mariani illic templi Fundamentorum pietate
Geldrensi prima positio, eius occasionem
 dedit sita ibi exigua *magne Virginis Domuncula*
 cuius *nova miraculorum fama* dum omnem latè
 viciniã implêrat, factum est ut corrogatis repente
 pecunijs *Sacellum* continuis auctum accessio-
 nibus templum illud pepererit, quod *Virginis*
 ex merito, cū *Mariophilos* id loci degentes *RR. Pa-*
tres eximio eruditòque calamo suo olim cele-
 braturos minimè dubitem, meum premo; uti
 & de

& de MONIOVICA VIRGINE ausm Waldt, de cuius favore materno, eoque continuo hoc solum exclamo: *Tantum est colere Virginem ubi ipsa vult coli!*

II.

ESSENDIÆ S. PINNOSÆ Virginis & Martyris commemoratio, quæ Virginitatis Lili-um Virgineo Sanguine purpuravit. *Martyr. Canis.*

III.

Porceti iuxta aquas Graneas S. GREGORIUS mortalitate positâ, ad Divorum, ut spes est, triumphos in cælum migravit; eximiarum virtutum clarus luminibus Abbas, Imperatoris Ottonis eius nominis secundi cognatus. *Ex eius loci Diario.*

IV.

Neoburgi in domestico Aule Sacrariorum adventus Reliquiarum S. CAROLI Borromæi S. R. E. Cardinalis, Archiepiscopi Mediolanensis, Confessoris, quas anno M. DC. LXI. Serenissimis Principibus PHILIPPO WILHELMO Comiti Palatino Rheni, Bavariae Juliae, Montium Duci, & Elisabethæ Ameliæ Magdalene natæ Landgravie Hassiæ Congratulationis causâ pro nato eadem die quarto Principe Filiolo ad sancti eius

eius honorem CAROLO nuncupato, submitit R mus. & Illustrissimus Princeps Fridericus Borromaeus, Patriarcha Alexandrinus, ad Helvetios, Rhetos, & Vallesios cum potestate Legati à Latere Nuntius, SANCTI Consanguineus omine (ut sperare par est) quàm CAROLI ultimi Cliviae Principis meliore. Ex Sacrarij Indice.

V.

GErichsbemij in Montia Patrocinium B. Ducis GERRICI, qui sceptrum omniâque humana despexit, & in pauperes suâ liberaliter erogavit. Iamq; is metit, quae seminavit. Ex Gelen. apparatus.

V.

NEoburgi ad Istrum Dominicâ infra Octavam Omnium Sanctorum, in Templo RR. PP. Soc. IESV, Festum quatuor SS. MM. SVPITH. CHARILAI, FLAVIAE & AVRELIAE; Collegio à Serenissimo Fundatore, gloriosae memoria Principe WOLFGANGO WILHELMO Palatino Rheni, Duce Juliae & Cliviae piâ munificentia donatorum, cuius viva virtutum & viva beneficentiae imago omnium in animis vivit, porroque vivet. Ex Ann. Collegij.

V.

IN *Montium Ducatu, Monasterio Subsilvano, vulgò Vormbolt*, depositio S. Abbatis & Confessoris WINOCI admirandæ sanctitatis, seduli utpote innocentiae custodis, continentiae amatoris, superbiae osoris, pauperum pupillorumque unici perfugij; quorum a maioribus famæ perpetuitate ad nos profecta ut sublevaret inopiam, plurimis annis à se erectum molendinum manuali agitatione circumegit, *ne panis egenis deesset, pane Angelorum æternim pascendus. Mart. Can.*

VII.

EMBRICA studiorum mater, perpetua pietate, annuo recurso S. WILLIBRORDI *Belgarum, ac Frisie Apostoli natalem* agit, qui incredibili ardore fructuque in salutem animarum incubuit. Cuius ibidem, opere antiquo & pretio visendus Calix reverenter asservatur; ex quo febriliter laborantes non pauci sanitatem bibunt. Sacra ab eodem consecrata HOSTIA, Romæq; allata quotannis per Urbem festivâ pompâ circumferri solita, ad confœderatorum primos motus, aliquot centenis licet annis conservata, à Commissario Apostolico SASBOLDO Vosmer maturo consilio assumpta est. Ex annuis.

VII.

Greuelsbergij Montium in Ducatu S. ENGELBERTVS Comes de Monte & Altena, Coloniaensis Archipræsul inclytà Heroum morte occubuit velut qui publicæ Ecclesiarum Effendiensis & Wertinensis iustus defensor. Cecidit Friderici Comitis Jsenburgici Cognati sui scelestissimo post hominum memoriam parricidio inter Svelmam & Greuelsburgum A. C. 1225. Moriens, Christo, Christi verbis pro sicarijs & hostibus suis supplicavit, magnus Ecclesiasticæ libertatis vindex & ipsa morte assertor facultatem ob eam nactus, mira innumera patrandi. Corpus eius 25. Februarij A. 1226. in Montis Veteris Monasterium, tandem Coloniam deductum est, Intestinis Veteri in Monte, honorificè reconditis. Ex vita eiusdem.

XI.

Heisterbaci notissimæ famæ Abbatis HENRICI memoria pietati, obedientiæ, mortificationique deditissimi: cuius merita cælum prodidit, quando pastorem illi baculum Augustissima Cali Regina porrigere visa est. Præses Religiosæ potiùs disciplinæ, quàm cumulan-dis opibus in-

tentus. Cuius familiare symbolum fuisse ferunt: Multos esse obligandos; paucos offendēdos. Nam memoria aiebat, *beneficiorum fluxa, iniuriarum aenea*
Ex Hierophyl.

XIV.

C *Ladbaci* in nobili *Iuliacensium* oppido, memoria ALBERICI, quem in eius Ecclesiæ Cryptâ depositum, vulgus S. Albertum indigitare consuevit. *Ex Fast. Gel.*

XIV.

I *N Burvenich Cistertiensium Parthenone*, venerabilis ELISABETHÆ ex *Julie Comitibus* oriundæ, quæ opibus, aulæ clientelis & mundo vale dicens vltimum, Cælites familiares, ac sæpe sæpius in oculis habuit, Gentis suæ splendorem præclare virtutibus illustrans. *Gel. in Fast.*

XV.

S LEOPOLDI *Austriæ Marchionis*, sanguinis B. RICHEZÆ, multorum Monasteriorum *Templorumque Fundatoris*. qui Mariam identidem in corde; & illud continuo in ore habuit: *Virgo Mater natum ora, Ut nos inuget omni borâ.* *Gel. in Fast.*

XVI.

H *Erwordie* B. Waltgeri Confessoris, eius Vr-
 bis Comitis ac Fundatoris, qui istic in
 Templo

Templo seu Sanctorum Domicilio a se constructo, novo more domicilium sepulchrum habuit, suo veluti in Mausoleo conditus anno salutis reparatæ DCCC. XXV. *Ex Chron.*

XVI.

MAGNA VIRGO ALBERTVM, dum calidioribus votis opem eius sollicitat, fecit magnum. natus hic Lavingæ Suevorum, Coloniae denatus est, anno 1290. vivit tamen hodie etiam in libris suis, quibus *Orbem & Ordinem suum mirè illustravit. Coloniae Agrippinae sepultus, ubi Clarior è tumulo Fama sepulta redit. Ex vita.*

XVI.

IN Monasterio *Susterensi* Ducatus Iuliae nobile Abbatissarum par BENEDICTA & CÆCILIA carnem, orcum, mundum vitâ innocentissimâ triumphans. *Ex Gel. Fastis.*

XIX.

SELIS ABETHA *ex familia B. RICHEZÆ, ANDREÆ Regis Hungariae & GERTRVDIS Andecensis Principis Filia, Ludovici Turingiae & Hassiae Landgraviij Coniux, quam Virginum florem, coniugum & viduarum exemplar, egenorum matrem, gentis suæ cælique delictum rectè dixeris. Quæ*

â teneris unguiculis ad ultimam usque ætatem, pietatis operibus intenta, & miraculis illustri migravit ad Dominum, in urbe arcêque sua *Marburgana*; & in *Ædicula Xenodochij sepulta*, famâ suâ Orbem implet. *Ex vitâ eius.*

XX.

SEADMUNDVS Rex ANGLIÆ, B. RICHEZÆ *Consanguineus*, cum S. ETILFRIDO *Filio*, & EADMUNDO *Nepote ex filia SOPHIA Heusde Domina*, gloriosis doloribus defuncta, pro fide *Christiana Sanguinem profudit: Sanguinis sui effusi, quàm Regij Stemmatis purpurâ splendidior.* *Ex Vind. Rich.*

XXII.

ITEM *ex eodem Sanguine descendens* B. ADOLPHVS I. Rex LVSITANIÆ, hac die ad Coronam æternam avolavit A. C. 1185. nonagenario maior, ætate & meritis gravis. *Ex Fastis Gelen.*

XXV

CRevenradium, alijs *Comitis Novale* dictum, in *Præfecturâ Solingensi nobilium Canonissarum Regularium Cænobium*, depositionem agit CATHARINÆ *Comitissæ de Hückesbøvagen*, quæ abiectis pretiosis vestibus, pane & aquâ frequenter victitans
asperâ

*asperâ catenâ cilicioque carnem domans, humi-
cubans, admirando rigore Zonâ ferreâ lumbos ad-
strinxit & puluilli vice trunco vsa est. Ferrea
eius Zona hodie dū religiosè asservatur puerperis
(etiam hæresi attōitâ) cōtinuò salutaris. Virginea
hæc, venerabilis Catharinæ Familia, ut fortissi-
ma istic *fidei columna unica ferè* in medio A-
catholicæ gentis persistit. Pedisequa & nomi-
nis & virtutis eius æmula, eodem cum illa tu-
mulo quiescit, *ut in vita, jta nec in morte separata.*
*Ex Necrologio istius loci.**

XXVIII.

S CASIMIRI B. RICHEZÆ Filij Palatini,
qui ex Religioso Cluniacensi ad Regnum POLO-
NIÆ Pontificiâ auctoritate extractus est, Regnum
& familiam suam morte sua nobilitata reliquit,
crebrò in ore habens, *eam demum veram esse sa-
pientiam, scire Deum omnia esse, & hominem nihil.*
Ex Fastis Gelenianis.

XXIX.

A Pud *Ultraiectinos* Episcopi B. RADBODI de
Clivio Sanguine, vitâ & liberalitate erga pau-
peres magni, cælo scientis excludendos omnes o-
pulentos, nisi eius Ianitores piâ pauperes manu
corrumpere. *Ex Ann. Ultraiect.*

DUSSELDORPHI in Soc. IESV Collegij templo, solemne eius Ecclesiæ Patroni, Sancti ANDRÆ Scythiæ, Epiri, Thraciæ, & Achaiæ & ab Ægeâ proconsule *in Crucem acti Apostoli. Cuius Sacram Mandibulam ponderosæ, solido ex argento, & iustæ magnitudinis statuæ inclusam, isti Collegio dono dedit Serenissima ANNA CATHARINA CONSTANTIA Succie ac Poloniæ Regia Princeps, Serenissimi PHILIPPI WILHELMII Comitis Palatini Rheni Coniux &c. imortali gloriâ dignissima, si vel hoc solo facto inclaruisset. Munificæ hæc Princeps illud Apostoli donum eò libentiùs obtulit, quòd minimè ignoraret WOLFGANGVM WILHELMVM Comitem Palatinum Rheni suum illi templum à fundamento erexisse, & ut Apostolici Collegij Seniores, Equitum aurei Velleris Patronum, Sacrificij incuruenti luculentissimum testem præcipuè colere; cuius tandem iconem in agone petitam & acceptam non nisi cum vita deseruit; vicissim à Patrono in longa, & quanta quanta est, aternitate non deserendus. Ex Annalibus Collegij.*

Hoc die cursum vitæ explevit THEODORVS III. THEODORI II. cognomento Volantis

*lantis Filius, quem maximis Clivia Heroibus non pauci accensent. Divinum Officiū quotidie degenibus exquebatur. In Deiparæ Vigilijs pane & aqua circumscribebat ieiunium, flagris & cilicio perpetuo corpus macerabat: liberalis in ærumnosos sanos, & ægros, decoraque familiæ virtutibus ita nobilitavit, vt *Virtuosi* potissimum clarus sit elogio. Symbolum eius familiare ac perpetuum fuisse ferunt: *Vivit post Funera Virtus.* Vixit sub Imperatoribus HENRICIS IV. & V. In regiminis ipsius limine, cum VRBANVS eius nominis Papa II. & Claremontanum Concilium A. 1096. decreto promulgato Orbem Christianum contra Saracenos ad arma evocarent, consentiente CATHARINA Hennenbergia, *Iuvenculâ eâ quidem, sed virtutum eximiarum Coniuge, Cruce insignitus, sacro huic bello nomen dedit, Heros ad Martis potiùs, quàm Veneris arma natus, quem in finē Fratri ARNOLDO Clivia sue gubernaculis commissis, GODEFRIDO, EVSTACHIO, BALDVINO Fratribus BULLIONIS associatus, mari transmissis vnâ cum Christianorum Classe Ioppen appulit, Terramque Sanctam primus osculo veneratus est.* Exlensione factâ militibusque a nausea ma-*

rinâ tribuam recreatis, THEODORVS vt belli terrorem per *Syriam* circumferret, assumptis aliquot Legionibus, villas, pagos, oppida, municipia, igne ferro (*Hierosolymâ inspectante & trepidante*) vastat, diripit, incendit, abactisque armentis, divite prædâ onustus, communi castrorum applausu, regreditur. Bullionius viri animis ac virtute delectatus, varijs in expeditionibus operâ eius feliciter usus est. *Ab illo enim Saracenorum sæpius insidiæ detectæ, molimina deprensa, consilia eversa, acies incredibili constantiâ ac fortitudine fugatæ; neque audacissimè (nomine Domini semper invocato) omnia incipientem vniquam fortuna fefellit; suos identidem monens, ne hoste fugato actutum spolijs inhiarent. Post conflictum enim, aiebat, avaritia libidôque prædandi ut plurimum perdit Victoriâ; exercitûsque præda onustus facile superatur: quâ militari felicitate continuò usus est, usquedum Barbaris devictis Bullionius Asiam, Syriam, Palestinâ subiugaret, Christianis Regno Hierosolymitano restituto; in quo firmando, dum annis plurimis sancto labore rei Christianæ permultum commodi adferret. Non semel hostes de eo professi sunt tantam eius fortitudinem supra mortales vires altius quidpiam habuisse*

habuisse. In *Cliviam* (a se Fratrísquè Arnhol-
di vicariâ operâ 29. annis feliciter administra-
tam) *Hierosolymâ* reversus, vix medi j anni inter-
vallo ibidem morbo correptus, ætate, meritísq.,
gravis cælestem *Hierusalem ingressus* est, cui sic
accinuit D. Petrus Streittagerus:

Martis amore sacri flagrans (quæ plurima laus est)

Eterno vovit seque subseqne DEO.

Occiduos inter *Princeps Lotharinga* secutus:

Auspicia, Eois intulit arma plagis.

Ad tantam HEROIS famam perpetuò alet-
dam & exprimendâ plurimis eiusdem *illustrissime*
Familie Principibus idem nomen impositum est;
vt mirum non sit Poëtas olim, ac vel maximè
posterioribus seculis, in gratiam S S. THEO-
DORORVM *Familie universæ* frequenter *Carminibus,*
Elogijs, Lemmatibus lulisse, quorum nonnulla
Eruditorũ tã *judicio quàm voluntate,* ne archivo-
rum latibulis, & blattarum damnata pabulis,
omnino interciderent, hisce infero. Auctori,
quia me latet, ex animo precor, vt fruatur la-
bore suo, vbi est, & laude etiam vbi non est.

IN

I. S. THEODORVM CENTVRIONEM SIGNO
S. CRVCIS DRACONICIDAM, ET INDE MARTYREM
7. Februarij.

VT *Cruce prostravit THEODORVS Colla draconis,*
Christique evexit diva trophaea palam.
Vsque per infidi casus eventa sinistra,
Factatur virtus indubitata Viri:
Pro castris retinent foetentes membra catasta,
Pro decore in mortem, dira flagella trabunt,
Cur ita? prostratus serpens tantumne malorum
Halat? an ista malus livor? utrumque fuit.
Lividus hic Erebi semper mos nempe colubro
VELLE VIGERE MALOS, VELLE PERIRE BONOS.

IN

II. S. THEODORVM PENTAPOLITAN. EPISC.
ET M., CVM SSS. IRENEO, SERAPIONE,
& AMMONIO MM:
19. Februarij.

Bis duo Pentapolis delegat in aethera Divos,
Pemptos abestne Urbis nomen & omen habens?
Immo procul; nam te cum venerit ista quadriga
Susceptum, Praesul maxime, Pemptos eris.

IN

III. S. THEODORVM M. ROMANVM.
17 Martij.

QVam malè Roma tuum fudit, THEODORE, Cyuorem,
Tam

*Tam bene conservat Martyra, iamque colit.
Olim te fidei perimens docet esse Magistrum;
Nunc venerans fidei se docet esse Scholam.*

IV IN S. THEODORVM PRO CHRISTO OCCISVM.

15. April.

*Floribus Aureolis Tempe picturat & hortos,
Mensis nomen habens à referando suum:
Tu fidei causa vitam dans Martyr Aprili,
Pingis amore solum, pingis honore polum.*

V. IN S. THEODORVM TRICHINATEM

20. April.

*Qui Cilicium setis THEODORVS membra domabat;
Et cui pro bysso sordida vestis erat;
Nunc Orci pavor est; nunc corpore balsama sudat,
Gloria nunc mundi est, astra beatus habet.
Dicite qui vano fucatis murice vestes,
Quid simile bis olim purpura vestra dabit?*

VI. IN S. THEODORVM PRÆSVLEM
ANASTASIOPOLI THAVMATVRGVM. 22. April.

*Miramur cacos donato excellere visu,
Dum simul ad Numen vota precèsque refers.
Miramur Claudos, currentes ocyus Euro,
Te pingente manu SIGNA VERENDA CRVCIS?
Miramur vità functos remeare sub auras,*

*Te reditum verbis precipiente sacris.
Ab quis non stupeat visis virtutibus, unde
Naturam superans TE stupet ipse Deus.*

VII. BONONIA S. THEODORVM EPISCOPVM SIBE

ELIGIT. 5. Maij.

*Nona hora est nobis, Priscis que Tertia, flamen
Misit, inuogendis Præsulibusque vacat.
Si tibi dat nomen BONA NONA BONONIA, gaude,
Omen habes, Præsul cum Theodorus erit.*

VIII. S. THEODORVS ANTISTES PRO SVIS

MIRE SOLICITVS. 20. Maij.

*A Domino datus est Paphia Theodorus; eidem
Quod Paphia à Domino sit data, Cura docet.*

IX. IN TYRANNVM S. THEODORO CYRE-

NENSIYM EPISCOPO LINGVAM AVFERENTEM 4. Julij.

*Præsulis ense putas linguam malè sane Tyranne,
Martyrium Christo ne sonet ille suo.
O bonus eventus! linguam ferrum abstulit unam:
Lingua quod illa tacet, Terra Polusque sonat.*

X. IN S. THEODORVM CVM S. FLORA MARTYREO

CORONATVM 29. Julij.

Est à FLORE tibi, Virgo Castissima, nomen,

Numinis

Numinis à DONO sed, Theodore, tibi.

Tu flores, Theodore, poli flos usque futurus;

Tu donum FLORES nobile FLORA Dei.

En quàm Sanctorum minimè Communio parca est;

TU BENE FLORVS ERIS: TU BENE FLORA sies.

XI. IN S. THEODORVM NICOMEDIENSEM

CVM LIBERIS PRO CHRISTO NECATVM 2. Sept.

Blanda DEI GNATOS THEODORVS DONA sciebat;

At MALE si Patres Tartara inire sinant.

Ergo martyrium subiturus nomine CHRISTI,

Martyrij socios gaudet habere suos.

Non etas illum lactens, non cura nepotum,

Non Patrum affligit pectore sculptus amor.

Vt sim Gratus, ait, DO ME, DO PIGNORA, Auernus

Ne rapiat, CHRISTE, est MVNVS VTRVMQVE tuum.

O quantū est traxisse Pijs GENITORIBVS ortum!

O quantum est VTI MVNERE POSSE DEI!

Huc qui blandifono gaudetis nomine Patris,

Verus & in gnatos discite quis sit amor!

XII. IN S. THEODORVM CVM 29. SOCIIS

A VALENTE MARI IMMERSVM 5. Sept.

Dogmata Sphinge magis scvâ monstrosa vel hydrâ

Defendit Cæsar lege manūque VALENS.

Hæc Theodorus ubi sociūque tenere recusant,

Comburit

*Comburit medias hos maris inter aquas,
Nemo miratur Flammas regnare per undam,
Tam mirus Doctor quid nisi mira daret?*

XIII. IN S. THEODORVM CVM S. OCEANO
MERSVM 7. Sept.

*Mittitur OCEANO cinctus Theodorus in ignes,
Quid mirum, damni si nihil ille ferat?*

XIV. IN S. THEODORVM CVM XXI. SOCIIS
MARTYRIO AFFECTVM 15. Sept.

*Cum viginti vno Socijs, Theodore, triumphas,
Vosque Triumphantes gaudet habere Deus.
Cessa acroama vetus Numero DEVS impare gaudet,
Manibus aut numero sacrificare pari.*

XV. IN S. THEODORVM CANTVARIÆ ARCHIE-
PISCOPVM MISSVM IN ANGLIAM a VITALIANO PONTIFICE
19. Septembris.

*Anglia profecit Theodoro Præsule multum,
Interiora novans, exteriora sacrans.
In planum veniunt delubra profana Deorum,
Aut addicuntur, CHRISTE supreme, tibi.
Est populus iustique tenax & amicus olympo,
Omnibus una fides, omnibus vnus Amor.
Nempe in discipulos manant exempla Magistri
Quæ THEODORE DOCES, hæc THEODORE facis.*

XVI. IN S. THEODORVM CVM S. PHILIPPA

MATRE PASSVM 20. Septembris.

*Ambo pro CHRISTO certamen inicitis: ijdem**Non tamen hac mulier, tu THEODORE, VIR ES.**Quod mulier, THEODORE, tamen te vincat opinor,**Namque Arbor ramo grandior esse solet.*

XVII. IN IULIANVM S. THEODORI TYRANNVM

23. Octobris.

*Surgit ut in Flammas focus Euri flatibus actus,**Materia in cineres, nec nisi cedat, abit.**Sic nervi tristésque minæ nodosâque flagra,**Accendunt Christi Martyra amore magis.**Tu facibus tamen usque uris, malè sane Tyrannè;**Vis, quid agas dicam? verus es Andabata.*

XVIII. IN S. THEODORVM ABBATEM VIENNENSEM

29. Octobris.

*Cum sit idem pater atque Abbas, cur diceris Abbas?**Sic quadrat an rara vox peregrina rei?*

XIX. IN S. THEODORVM MILITEM 9. Novembris.

*Dum te castra sequi ratio & pietatis avitæ**Jura sinunt, hosti quis magis acer erit?**Dum te castra sequi ratio & pietatis avitæ**Jura vetant, hosti quis magè præda cadit?**Stulta Duces cesset magnos iactare Vetustas.**Regula bellantùm, tu THEODORE, proba es.*

XX. IN MAXIMIANVM à quo S. THEODORVS, S.
PHILEAS, S. HETTYCHVS, S. PACHOMIVS EPISCOPI ÆGYPTI, CVM
660. SOCIIS ENSE PERCVSSI 26. Novembris.

*Hucusq; es dictus trux, MAXIMINIANE, malúsq;
Ut dubitem: bonus es; nam bona multa facis.
Primò perpetuis cælos ornatibus ambis;
Dèin festis fastos Cælitibusque reple:*
*Præterea quos PAPA nequit, quos CÆSAR honores
Conferre, egregiâ das pietate Viris!
Insuper vsque facis Virtutum exempla manere,
Ad que respiciant, quæis stat ævita fides:
Denique non binis, non denis talia præstas,
Ultra sexcentos exit hic Ordo Viros.
Non sic Augustus, non Vespasianus uterque,
Non Constantinus, Magnus ut ille sonet.
Tu tamen es dictus trux Maximiane, malúsque
An te fama VIRVM fors nigrat atra bonum?
Non nigrat, es verè trux, Maximiane; malúsque
Non es Martyribus; truxque malúsque tibi es!*

XXI. IN S. THEODORVM ANTIOCHIÆ CHRISTI
MARTYREM PASSVM 7. Decembris.

*Discipulis CHRISTI nomen dedit Antiochia:
CHRISTI Discipulum hæc te, Theodore, dedit.*

XXII. IN S. THEODORVM CVM SS. LOZIMO &
DRVSO PASSVM 14. Dec.

*Æmulus es CHRISTI, THEODORE, sed æmulus impar:
Te Martyr; Christum stipat utrumque latro:*

XXIII. IN VALERIANVM SS. THEODORI, IRENÆI,
VICTORIS & ANTONINI CVM ALIIS 17. Occisorem 15. Dec.

Siqua, beus! magna potes, VALERIANE,

Est nomen tibi grande splendidumque,

CHRISTINOMINE tot Viros necando:

Id bellè facis, o VALERIANE!

Verùm quomodo tu VALERIANE,

Facis grandia? sic latro, & scelestus

Quivis esse potest Valerianus!

XXIV. IN S. THEODORVM EXULANTEM 15. Dec.

Vnius Articuli causâ, Theodore, bis exul,

Pro totâ ostendis quid paterere fide!

XXV. IN S. THEODORVM ROMÆ ad D. PETRI

MANSIONARIVM 26. Dec.

Prudenter, THEODORE, teris sacra Limina PETRI,

Pro te, proque alijs nocte dièque precans.

Nam qui pro cunctis CLAVES usurpat Olympi,

Tam noto pandet promptius ASTRA TIBI.

XXVI. IN S. THEODORVM MONACHVM ÆGYPTI, S. PACHOMII

Discipulum 27. Dec.

Non Arabum messes tibi sunt, non vellera Serium;

Non bacce Indorum, quas plaga captat aquis.

Non volucrum leporumue caro; non monstra marina;

Non Cretum efficiunt inclyta vina dapes.

Non imitata colis turrita palatia Celos;

Non famulum circa splendida turba strepit.

Tu tamen usque nihil tibi posse deesse fateris;

Nempe tibi Calum est cella; bonum omne DEVS.